

البنت اللي شبه الشعر

شعر

محمود رفعت والي



بطاقة الكتاب

البنيت اللي شبه الشعر محمود رفعت والي شعر

رقم الإيداع : ٢٠٢٠/٢٩٧٦
الطبعة الأولى
عدد الصفحات : ١٠٠
تاريخ الإصدار : يناير ٢٠٢٠

الإخراج الفني والعراصة اللغوية
دار وادي عبقر للطباعة والنشر
رئيس مجلس الإدارة

جابر الزهيرى
المدير التنفيذي
لياء حمدي

جميع حقوق الطبع والنشر
محفوظة للمؤلف، ولا يحق لأى دار
نشر طبع ونشر وتوزيع الكتاب إلا
بموافقة كتابية من الكاتب والناشر



دار وادي عبقر

للطباعة والنشر والتوزيع
بيت الإبداع .. وموطن العباقرة



wadiabkr.wixsite.com/wadiabkr



wadiabkar@gmail.com



www.facebook.com/wadiabkar



[www.youtube.com/wadiabkr /](https://www.youtube.com/wadiabkr/)



٠١١٤١٧٢٨٦٢٥

ت : ٠١١٠٠٤٧٤٥٧٥

ت : ٠١٢٢٤٩٦٩٠٤٨

ت : ٠١٢٢١٤٨١٨٥٦



إهداء

إلى أمي وأبي

إلى جناحين العمر ..

السند وطريق النور، عودين البخور العمر اللي جاي

نفسين الناي عيون الفجر نسيم الكون

سطين الفرحة دفاتر ابتساماتي

محمود العيسوي وخالد الكردي

محمود رفعت دلال

إلى البنت اللي شبه الشع

ولسّه لوحذك

عايش ف الغياب..

حاضر قوي

وبرضه مش ناسي

ولما الدنيا رامياتي

ف قلب الحزن والتوهان

كنتي ليه كتمتي إنك بتكرهي روعي؟

فروحي دورى ع الطريق الضيقة

وزيدي فلسفتك على الوريد

قلبي بيسمع همس

الميعاد لما تعدي بالصدفة

ومش هاوزن خلاص شعري

غير على صوت الندم



ومش ناسي بصتها

حرير مغزول برقّتها

والسهر مخلوق ضعيف

قلبي الكفيف

درويش وساكن ف حضرتها

قاللي الولي

هاترجع مليون ندم

الكون أصبح عدم

ما صدقتش

وغنيت وقلت توبة

رقصت شياطين الذل

ف المواويل

عطش النيل

زود ف عندي

الزمن مال على قلبي



بصوت مدبوح مش هي دي

حلمك

لمت حكاوي العشق جوا

أحضان الوجع

حتى السلام ممنوع

ف السجن أنا وحدي

محكوم على قلبي بالإلهام

روحي هناك جسمي هنا

روحي هناك جسمي هنا

روحي هناك

تلاقيني أنا

بلوم اليوم اللي خلاني

استنى تفرح الناصية

والنص كان فاكر إنه هايتختم بالهنا

إلى هنا..



لف وارجع يا غبي
مانتاش نبي
علشان الشمس هاتضلك
مانتاش ولي
علشان روحك تشتهي ندى الكلام
وتبل الريق بصلواتك
خطأ أنك تكون فاكـر
أن العمر بيتعاش
هي حاجات بتشد حاجات
بتمر عليك على أول سطرـك
تحفر قبرك كالعادة
فـ بزيادة وجع
أنا قلبي خلاص مات
هالف عليكـي فـ عيون سفر
قلبك حجر مارسمش غير عناد



وكالمعتاد أنا ميت
ولسّه بموت
لحظة سكوت يا ربنا
شمس حارقة ف ريق شتا
خطأ من زمان خطية
إني أموت كده
تاية ف حضن كمنجتك يا....
وباروح على بصتك
ع الأرض واترمي
في نفس المكان هنا
كل حاجة بتقدسك حتى مية النيل
اسمك حروف مترتبة على كعب بحر
لسه بارش بميتك نيلى الوفي
وأفرش حصيرة ضحكك
على صوت ساكت عن ظلم اللي بان



يوم اللمة وعيد الفراق
ورعشة القلب والمكتب
اللي اتروى بدمع طاهر
وشريط صداعي اللي اترمى
فاضي بعد ما قالت بكرهك
وبشغل أغاني بتوجعك
منير صبلي عيون "حزام" (زرقاء اليمامة)
وبنتلي فيروز بيت حداد
واديني تاية ف المدن

أحضانك شوارع

أفرشي حضنك شوارع

أنا نفسي أتود

وكل يوم كلمي ربنا

لعلك تحسي بالجروح

الشعر ملكك

بين إيديكي طوَّعِيه

اغزلي ضفايرك قصايد

اعلمي شفايفك نشيد

نولينني من شوكتك ورود

خليني تايه ف الخدود

واعزف اللحن القديم

الحضن كمان

وناي بيعزف ع الوريد

خليني أقتل قسايد
ف كل مكان كنا فيه
يوم الفراق ما عرفش أصلا
كان ده ليه
سكينة تدبح ف القلوب
قالت خلاص
والدمع مكتوم
ملحقتش الحزن السعيد
ولساها بتقطع ف الوريد
كشكولي ضاع
وطارت قسايد
سرب حمام مهاجر
على لحن النشيد
وقلبك عنيد
كسر ما بينا ونسي الذكريات

أنا قربت أمل
من كل الحاجات
وخلص هاضيع

دفا شمسك

يا وردة

أنا شجر قلبي ما يحتمل

دفا شمسك

ولو فيكي الخجل

ومش قادرة تقوليها

اطمني أنا عكسك

ولو قولتي زيهم

البعد هينسي

لا اطمني أنا شايلك

في وسط الريح

جوده حروفي أنا فكرك

لما كنتي بتلمسيني وتسييني

أنا ع عهدك أنا لمسك

أنا لمسك

أنا همسك

أنا هامسك

عقود الليل الحزين

تفكرني بدفا نفسك

متفوحه بالياسمين

بتشرق لما تغيب شمسك

أنا هارسم

لوحه متحزمة بخجلك

بترقص على وتر خفه دمك

متلونة بلون الورد

لما باحس اشتياق صمتك

وبعد ما تترسم لوحتي

اشوف اللوحة وشك

ادلعي والبسي أحلى ما عندك

واتمشي على شط الهوى
بس براحتك على مهلك
أنا هقدمك قلبي بإيديا
وروحى فى إيدك عنادية
والسلسلة حبي على صدرك
واجمع كمان كنوز الجنان
علشان
تكون توكة على شعرك
أنا قلقان
أحسن يكون كل ده
مايكفيش مهرك
طيب أدي عشقي سفينة
الليلة وكل ليلة
هااتمختر على نهرك
ماتبقيش عنيدة

أنا حافظك أنا فاهمك

أنا حافظك أنا صامك

عندي حاجة

يمكن تساعد وترضي

قلبك

عندي صحرتين ماشافوش المطر

إلا وأنا جنبك

يمكن دموع العين

تكفي وتوفي

على مهرك

على مهلك على مهلك

أنا جايك أنا جايك

أنا جايك

ومش سايبك

إلهام

عنيك بتنزف ساعات
عقاربها عكس اتجاهات الزمن
رغم كل اللي فات
تشرب مرارك مسافات
تغزل خيوطك كفن
مساء الحزن ع الماشيين
رافعين رايات الشعر
مترتبة صوركم
بعيون نيات الوطن
بنوثة بتحضن علم
فراشة ليل بتفرش شجر
مبلول بحبات الندى
اسمك حروف مترتبة



على صدر السما
وانت لساك بتتمشى
على أرض بور
ياسميننا بتحضن ناي
خليني أرتلك مليون علامة استفهام
ف قلب الولد
مين مزعلك يا وطن ؟
عيونك بتسيل يقول النيل
مزاد العشق للتايهين
ويطلع مين زعلك؟
أنا الغيبة اللي بتطول
على المشتاق
أنا لسه باشوف عينك في قرص شمس
أنا لسه باحنك وبافتكرك
وحافظ ريحة البرفان



أنا الواد اللي طول عمره بيغلط
وكارة فلسفتك والحساب
عيونك الحنان بتفاصيله
وتوبك من حرير شعري
وهلفرشلك عيون الليل
تتام نجومى على حجرك
انتي البنت اللي لو بصت
على الرملة تطرح ورود
وشعري عاش أو مات
أكيد عارفة
أنه بيشبهلك
ولو روح الشعر بتشتاق
مين غيرك بيلهمني؟؟

ذكريات بتنزف صور

الورق بينزف دم

من الاشتياق

بيهرب من صوت نيات الحقيقة

لذة العمر اللي عدّى

هزت كيان الوتر

قصيدة بتلم وراها العيال

بتتحت دمنا

الوطن بيرتل الأوجاع

على أسماع البنات

الورقة ملت م الغزل

الروح ملت م البكا

يا كل الساهرين ف خريف تايه عننا

مابقاش يهمنا غير الأمل
خارج حدود المنطقة
خط القلم
أرواح ملايكة مجمعة
على صدر الولد
سهرت بنات الحور
ترش البخور ف السما
ملهمش ف الأسحار
وقت السحر
ع المصطبة
جاية وسايب شعرها
نقطة حنان على خصرها
بتعيد ف ترتيب اللي فات
حبات عنب على ظهر الزمن
كعب الوطن كعبل عيون الكمان

ما بقتش خايف م الفراق
رغم الشرف متفتحة
وكأنها صوت أدان ملهوش صلا
خارج حدود الفلسفة
الهدف إنك تكون جدع
هائهد أهرامات الودع بحلمنا
قلب هناك قلب هنا
قلب خارج م الحدود الممكنة
وصل عيون كل البشر
جايز سطور الحلم تعرف تلمنا
خلاص مافيش حاجة من الذكريات
غير إنها
بتنزف صور

عطشان حنان

صباح مرمي بنسمه فجر

وبنوته

بتغزل ف القلب حنان

لساها بتداري وتخبي ومكسوفة

صبيلي غنوة ارويلي حدوتة

وهاقول ايه عن جمالها يا بوي؟

على القلب راسمالي

وردة من ندى الخدود يا بوي

وعيونها بتداري

اتسحب مني ليا وشغلاني

يا أما العيون عسلية

وبأبرة الحب شغلاني

حاسس اسمي منحوت جوها
بالرسم متباهي
والحب ساكن هواها
العشق كان ناوي
بادوخ حتى يا ناس
لما تتهجي حروف اسمي
تطبعني الحياه بالماس
لما تضحك وتقول طبعاً واحشني
تعالى ف قلبي وقولي
أنا كثير قولي
عنك ف السما وف الدعاء
وبقول ف نفسي بحبك بدال المرة مية
عطشان يا بنت حنان
صبيلي كوب مية

شطرنج

الحزن معتم والليل كفيف

عكاز ف إيد الشايب أنا

على مسرح حياتي

مشهد مؤلم

غالباً ما ييحصلش كثير

قعدنا نلعب الشطرنج

عملت واد حريف

قعدت احرك جيشي وأنا بسألك

طلعتي أحرف مني

بلعبة نابليون

بعد حركتين

مات الملك

الحضن أول شروط الطهر

الحضن أول شروط الطهر

ف احضنني طهريني

امنحني لمسة حياة

اكتبني على صدر نايك

حكاوي تمالى الكون نجاة

وان حد قال إنك عنيدة

احضني بضمير يصحي

حلم عايم ف البحور

اعملي نفسك قصيده

كل بيت عود بخور

احضنني يا صبية

خففي الجراح عليا

واكتبني ع الورقه إنك



صبيتي على ناري ميه
كل طموحي ف القصيدة
نظرة بهية

زينب

الدنيا بتغزل في حريك

بستان مواويل

والصبر جميل

كلمة بتتقال

علشان ما تصبر ف المساكين

والأمل الساكن جوه المؤمن

مايتعبش من المشاوير

الحالة بتميل للكفر بالأناشيد

ماسك في الأمل متبت

مش لاقى جديد

الحد الواصل بينا

يمكن من أصل عنيد

ثورة حرفك على قلبي



اقتعت روعي بالتغيير
وحرف كفيف بيلوش
الدمع لساه بيتحوش
الصورة شايفها طشاش
يندهلي قرص منوم
فألبي
وسيجارة وحرقة دمي
وفنجان قهوة يجبرني
ولأول مرة الناي
يعزفلي سؤال؟
واسمع صوت الودع موجدوع
فأقوم مفزوع
أبص ف ساعتي تتعجب
عايزة تقولي مايتزرنيش
أودي وشي الناحية الثانية

ومش مؤمن بالوقت معاك
وكفرت بدرج النيش
وهارتب تاتي أوراقي
وهايد تفكير
صوت "فيروز" بيدمع
الوردة الحمراء بتودع
شباكي من دخان سجائر
الطفاية بتسيب كثير
مع إني باغير للدخان
يعكر ندي الخد الطاهر
والظاهر ما حسنتيش
وبامسك اللحظة اللي بينا
وبترجاها ماتعديش
صوت الأذان بيجدد
جوه مني الحياة

اسبح ف خط الموج
يعكسني نسيم كلمة
أبص لمرائتي ف تشتاقتني
ف تحكيني
فتبتسم وتروح جروحي
يا اما العباية خلاص
لو روعي عدت جوه منك
ماتزوديش عندك
كفاية
اسمعي روعي بتغزل
أصل الحكاية
كل الحكاية
مش عايزة عقدة
هارسملك قلبي وردايا
وروعي عنادية

يا ام العيون متهات

لغزي مايتحلش

غير بأيدك

ولو انتي وقفة

خليني أنا عيدك

صباح الأئوثة

صباح الأئوثة

صباح الجمال

يا ساكنة الملامح

وقلبي اللي مال

يا حنان الزمان

يا عطر النسيم

صباحك معطر

بحبري الأمير

شمسك بتطرح

ورود الليالي

يا عمري اللي جاي

باكتم دموعي



حتى السلام
مش طایل یسلم
طایر و حایر قلبی
فی السما
رافض قلّمي الغنا
أنا لسا ی سارح
ف قلب الحنین
غرقان ف نسمة
فجر السنین
راسم ضلوعي
بحرفك الخمسة
مش لاقی البراح
یا عمري اللی راح
جناح مکسور
جوة السطور

بيصلي فرضه

فلاح مسكين

ضاعت أرضه

ومين

هايجبر بخاطره

صباح العطور

صباح البخور

قلبي يا عايش

من غير غرور

يا بدر البدور

شراعك رماني

جوده سور

رمشك عدائي

كمنجة بتعزف

دموع الأغاني

سطري بيصبح
ع الشعر اللي سايب
قلبي بيسرح جوا الضفاير
صباحك مسكر
وخذك دا نيلي
وقلبي يخضر
ويرسم حيني
لو قلبك هاينده
هقولك أديني
عنيكي مرايا
والفين حكاية
لألك معايا
ومش حاسه بضميري
صباحك مندي
صباحي مرار

صباحك سعادة

وسكر زيادة

صباحي سادة

أيامي انتحار

قلبي الطاهر عمره ما خانك

جائز بادمع بدون أنات

بأشرب دمع

واعيش ف سكات

أنا جويأ حاجات

بتقطع فيأ

كل ما فيأ

حب عايش ع الاحتمالات

جائز إني بطبعي خنيق

وباعشق حزني

لو رسالي الدنيا طريق

جوه الجرح

هاكتب اسمي

جوه عيونك سطر مخلي



كل سطورى ماشية وراه
لو بالدمع هاسكن قلبك
ليه ماحستيش بكلمة آه
لما ارسمنى بسمة خفيفة
يستغرب لوني يقلبها سواد
جوه الوردة دمعة حزينة
لحن بيوجع من غير مزىكا
أنا سلمت خلاص العهدة
قلبي المرهف
حزنى الصامت
قلمي النابض
حبي الصادق
شمسك لسه
بتشرق فيا
علي شويا

يمكن اغني
شغلي عقلك
حركي قلبك
نسمة فجرك
كل دفاتري بتندهلك
مش هارضى بأي نهاية
بس خلاص كفاية
مش هاتذل
بس هاقولك كلمة ف سرك
حطيتها حلق ف ودانك
قلبي الطاهر
عمره ما خانك
هاسمع تاني
واكتب تاني
هغازل تاني

بس ماحدث هايقدر

يسد مكانك

لو مش عايزة سدي الخانة

مش عايز اشوفك قلقانه

بس قبل ماتمشي من جويا

اعرفي أنا حياتي

ف نفس الخانة

لسّنه شاري

يا ناحّته جويّا الوجع

وكسرتي قلبي الجدع

مهما ضربت الودع

أنا لسّنه شاري

يا دمّوع ماتنزلش بالساهل

وصدمة بتغزل نسيم وسواد

تعالى عدي على قلبي

قلبي لساه عطشان

ضحكت الأيام عليا

وكسبت الرهان

كانت حالفه لتسهرني

ولساي سهران

يا قلّقاني



ولا يهملك
لسه هشيل همك
لسه بنزف دموع
بتتهجي
تقول اسمك
أنا باعشق سيرتك
حتى لو صدفة
لما اتصادف باسمك
بكتبه عليا
وادور ملاقيش
لو أنا مافيش
افتحي كشاكيلي
افتحي النيش
هتلاقيني انت هوى حبري
علشان خطري وخاطر إلهامك

ماتزوديش عنادك

أنا خلاص عرفت مصيري

يا اعيش بيكي يا اعيش ميت

مع اني مابحبش بين البنين

لو مش ناوية بعد يوم واتنين

هاعتبرك قصيدة ماكتبتهاش

وارتب قصايدك وابيع بلاش

لو اي حاجة هتيجي ع الكرامة

بلاش ومليون بلاش

هامش

أنا لسه فيكي

يا تحضنيني

يا هارميكي

مش هاكلهك

واكرهيني

مش هاكتب

مش هاكتب !!!!!

ومين بعدك يستاهل

الكتابة؟؟؟؟؟؟

أنا خلاص بموت

نتقابل يوم

القيامة

كنت عايز

كنت عايز

بس جاهل ف الحساااa

ارسم عالم بوردي

على خدود الحلم اللي سايب

جوه مني ألف شجرة

كنت عايز ارسم شفايف

على حافة القمر

واغازل الشعر اللي سايب

القدر خالق ملامحي

ومتبت مش سايب

دبلت كل وردة من دموعي

دبلة سكوتي فسخت خطوبتها

من الهمس

لسه معندانا الشمس
يا ناسخاني
ف قلب ناي مشروخ
صوته مش واصل
كل نظرة بتخليني ادوخ
بحلم بشيء مش حاصل
حاصل ضرب النظرة المقصودة
فى عيني
يساوي ألف عمر ساطع
أنا ملازم صمتي
وحاضن كل شموعك في قلب الليل
عاشق كسوف روحك
مع ان دموعي زي السيل
مش عارف احسب مسائل
فيها قلبك ما سائل

وتقلان

أنا قلقلان

اجي أكحل رموش قلبك

اكتشف انه عميان

متربعة في حلمي عيونك

والواقع لساه بيتهجي

أنا لازم اقولك رسالة

مغسل وما ضمنش جنة

أنا عايش علشان اموت فيكي

موتي فيكي من غير حساب

حاصل ضرب تسع سنين ومش حاسة

فى قلب شاعر

عندك تساوى كالألم؟

احسبها ألف مرة

علشان أنا جاهل ف الحساب



شاعر على قدي

مفتتح

أنا أصلاً شاعر على قدي
وكلمة شاعر بيجملوني بيها
لكن حبيبتي لما تعدي
لازم اتغزل فيها

ورود فتحت ف الخدود

مندية

القلب عطشان

عايز يغني

قول يا قلبي

مش قايل

ودقاته بتتمايل

والخوف فصيح
وصلاة الكلام سرية
يا عينيا
الكبت متسلسل
بترتيب صحيح
والقلب متسلسل
بميت سلسلة
مافيش مفاتيح
الحزن سلسلة
ديما كلامها فصيح
فسبّحي بدمعك
ووريني مواويلك
اقرى فنجانك
واغزلي حريك
يا عينيها

الشمس رسمها ف شباكي

بلون قهوة

على سهوة

بتشرق من غير مواعيد

بتعصرني عصير ماجة

بدون سكر

ف حضن الليل

يا نسمة هوى روي

روي صبحي عندها

قوليلها تلم جروي

وتخف عندها

أنا يسعدني اكون ليكي

هوديكي

أول خناتي

أنا أصلك

أنا فصلك

أنا صورة متبروزة

ف فصلك

فوديني

ووديني

لدنيا حلوة

أنا موال

وانتي أحلى غنوة

أنا راسي

على شطك

فقوللي للموج يهدى

أنا بهوى كل اللي يشغلني

مش قادر أقول غير

أنا انتي

كفوف الفرحة

كفوف الفرحة ممدودة
ملايكة حب حاضناتي
شمسها الدافئة محسوسة
ورود فتحت ف أغصاني
بقولك إيه؟
أنا شاري
يا ساكناتي
يا راسمة في الهوى اسمك
يا سامعة نبض دقاتي
أنا عايز أعيش فيكي
ارسم قمر وربيع
وارتب ثاني كلماتي

يا حاسة بنبض هويا
خلاص كده كفاية
قولها من غير خوف
أنا حددت أحلامي
بموت فيكي
باغنيكي
وهارسم اساميكي
على القلب اللي كان صدى
وهتوضى
بهماساتك
حبيبي
وسيبي قلبك الأخضر
يلين أكثر
أنا كل م اشوفك
باكتم كلمة

وحشتيني
باروح في النوم
وتسهر أحلامي تحت
قلوب في الريح
تدوب
كلمة في بصتها
أدوب أكثر
وأنا حاضن
دقاتي
أنا بحبك مش كلمة
ولا عايز اتسلى
أنا قلبي الأبيض
بكسوفك بيتحنى

إلى روح الأبنودي

"لون الحداد"

اقلعي الاحمر يا حلوة

والبسي لون الحداد

انسي أي غنوة حلوة

واحضني لون السواد

مين هيغازل فيكي تاني

مين هيزرع فيكي فرح

انسي طعم الأغاني

حزنك مرسوم ألف سطر

جوة مني حزن راسم

ألف دمة بتبكي فيا

وسط أهلي وسط ناسي

لسه ودني مشتهية

لصوت كامنجة متحنية
تعزف صوتك الحزين
خط الدموع عارف طريقه
مقفولة أناتي جوة أوضة
غرقت دموعي ف بحر مية
كل روي كانت تدوخ
لما توصف الصبية
تدوب مشاعري ف ناي مشروخ
لما ترسم مصر البهية
عددي يا معددة بحرقة
وقولي كان جبل
النهاردة الفجر ماتت
كل قمحة ف السبل
الليلة روح قول الطيور
مافيش غنا

وكل العصافير هتموت
الليلة بتنوح قنا
أرض الصعيد غربت
عنها شمس الصبا
وما فيش غير الحروف
حتى الحروف متوجعة
روح حبيبي وخذ معاه
أصل الغنى
مع السلامة يا عبد الرحمن
بعدك خلاص ما فيش هنا

البنث بتخي عليا

بترتب أيامك بكامنجة
وتعيد لقطه خوف
ارسمني وردة ف بستنها
ترجع مليانة كسوف
الشمس بتتزوق طول ليلها
علشان تعكس حبة ضوء
مرايتها تعزف تغني
اسمعها لحن وصوت
قلبي وردة ف فستنها
مرسومة يعطر الخوف
بيروح مع الذكرى الحلوة
وبيدوخ

الصوت مشلول ف الكلمة

الكبت طريق مرصوف

والفرحة بتلم شنطها

والحزن جاهز على طول

تشربني الخمرة ف كاسها

الليل مسطول

البنّت

بتخبى عليا

طهريني بعطر نفسك

يا ليل مستتي الكفن
يا عين ملهاش سكن
يا قمر لم عيالك
الكورنيش قفل
يا صوت الست موت
مش حاسة بالآثات
يا عمر عدي وفوت
تعبت م الكلمات
امسح دموعك يا بحر
كان لازم تنكسر
طهريني بعطر نفسك
ارسمي قلبك سفينة

علّي صوت كسوفك شوية
الشمس لساها حزينة
لو ابتسامتك هي مكة
جوده شعري ١٠٠ مدينة
اسمحي يا صورة مرة
تعالى مرة هتلقياها
النيل بيشررب نداها
علشان يطوف
بين الحوارى
على الكورنيش يعزف أغاني
يرسم حروف
قول يا ناي قول يا عود
جمالها فاق الحدود
لازم لما عيني تعطش
اشربها ندى الخدود



أنا لسه فاكّر طعم شايبك

لسا فاكّر الكسوف

مرسومة صورتك جوه مني

بعبيرك تتزف حروف

لسه شايل ذكرياتي

بتحدى بيها الظروف

قولها انت يا حياتي

املا الدنيا ياسمين

أنا انتي

انتى مين

يا شايب من الأحلام

يا شايب من الأحلام وشارب قهوتك سادة
وبتتمختر ف أوجاعك وتتلذذ لبصتها
وراسم خطوتها بالماس على قلبك
ومش داري بأيامك
العمر أغلى منها وحلاقيها مش حاجة
ولو جتلك بتترجى
اتقل ماتخفش من حاجة
أنا ساكن ف ملكوتها وبلكونتي ملزوقة
فى حيطان العتمة على الكمنجات معزوفة
بتتمرجح كلمتها معاندة موج الفرح
لما اجي اكتبها بتترحلق من على السطر
ولما تصحى كلماتي بنور الفجر تتوضى

وتنزف دم على الورقة
وقلبها لسه بيتهجي
بيتهته بدقاته بيتمشي
على وتر البنين واقف
بيجرح وردة لو فاحت
بكفن الشعر بتتحنى
واكفن كلماتي وارمي
فى درج الذكريات
ولو مرة كمان صدفت
وفتحت فى الحكايات
باذكر اسمها فى شعري
وازين بيها أوزاني
بضحك على نفسي وانسى
ولامتى مش ناسي
لو فكرت تنهي حكايتنا

هادوس على وردھا الدافي

وحلمي اللي كان ديلة

هارميها من ورا اکتافي

بشرب مر

كل ما لحظة تعدي تمر

أنا بشرب مر

ولأول مرة احس

اني مجبور مش حر

صارحيني يا ب_____

قولي الحل

قلبك مل

انتي عندك إيه؟؟؟

قلبي مشلولة إيديه

طعم الشات النهارده أمر

وصوتك غايب عني

أنا كنت فاعر اني هاغني



رجعت لصفر
 دفا اللمسة ف أحلامي
 شمس وغابت
 جوايا مليون ليل
 لكن ساكت
 أنا عشقت كلمة آه
 ودبت ف كلمة لأ
 وحلمت بهنا وحنان كمنجاتي ترقص
 لو قلبك دق
 أنا دايب ف حضن ماحصلش
 لسعة دفا ف برد
 أنا كنت طائر م الفرحة
 لما سمعتها جد
 بس لازم تعرفي إني
 صعيدي



كرامتي أهم
 علشنها أفضل العيشة ف هم
 أنا باعشق صوتك لما تقولي اتلم
 أنا بحب كلمة يا واد
 من شفايفك بس
 أنا هافضل اغازل فيكي
 هاكتب شعري ولو بالدم
 مش هاقدر احايل تاني
 علشانك غرقت أحلامي
 فى بحر النسيان
 لازم تعرفي اني شاعر
 والشاعر إحساسه زى البنت
 البكر
 لو طال الجرح
 بينتهي

لما دخلتني حياتي
اديتك كل المفاتيح
جتلك طائر ومسلم
رجعت من المجاريح
علشان أنا مقتنع
هاخيرك للمرة الألف
مش عايز ارجع للخلف
يا تروحي زي اللي راحوا
يا تصبيلي كاس الفرح
عاتبيني لو غلطان
وبلاش نتسلى ببعض

الحب فلسفة

الحب أصلا فلسفة

مطر من حبر السما

مش كل وحدة نحبها

نقولها

لازم الروح ترتجل

تعاكس عيون المرآيا

ترسم قمر

عشاق ف سطر غرام

تترقص من الهوى

دفا الغرام ف الشتا

ونسمة الصيف الغني

نعشق قوي

بس بفلسفة
ومن غير
غرور
الحب أصلا فلسفة
الحب ربيع بصوت فيروز
عيدان نعان بتمختر
في شاي قلبي
تدوب الذكرى في ناي مشروخ
فتموت دموع وتعيش الحياة
ونتقابل من غير مواعيد
ونعيش العيد
بدون وقفة
ونتفلسف عشان نكمل
والمركب ف عرض البحر
صبيها خراب

تدوب كلمة على لسانها
وتتمرجح على وتري
فاقوم ناسي وحاضنها
ولو عايضة تموت
يبقتى تموت جنبي
أنا مش بحسبها
ببلوزة فوشيا وبنطلون بمبي
بحسبها حساب حالة
حساب عشق يدوم بنا
خطوات ندى تروح تصلي الحب
وتتوضى
من ورود الكلمة
وبسمعها واقوم مبسوط
فيسبح قلبي وريد و وريد
يدوب الإيمان والحب

فى سىجارة لىلتى
تذىد حىرتى
لما بتتقل
قوللى يا شاطرة أنا عندك إيه
هامش فى صدر مذكرتك
ولا حب اصفى م السما
ولا كلمتين دابوا ف حضن الليل
بعدها
كفروا بضوء الشمس
قولىها ولو بالهمس

ندى خدك

ندى خدك

ربيع ف صباه

وردايا ساكنة نسيم

بتمختر ف أوجاعي

اشوفك ف الحلم ندهالي

ف اقوم اتوضى واقول

الله

ندى خدك

ربيع ف صبااه

ريحة برفائك

موسيقى هادية

بتريح تعب الروح

بدوا الصدفة
ويطيب قلبي المجروح
نامت عصافير الحلم
وأنا بائحت شعري
على شفايف عريانة
ميه نيل
فيطرح ورد جميل
والدمع يسيل
من الفرحة
واحس بحلاوة الآه
واقول الله
الفسست الاصفر
والطرحة السمرة
شفق وليل حزين
قمر



فكملت القصيدة
بعطر اللمسة
بصوت ماجدة (الرومي)
وكبايه لمون
وسكون
وصوت أذان
وعيون تصلي
سر بلغتها
تتوضى شعر وهمسات
ابني جوايا قصر كلمات
ما تنتقلش غير بلغة الروح
العقل ما يدركهاش
كل لقاء له ياسميننا
روحي تروح
ف الإلهام

واقوم اتوضى بنداك
واوزن شعري بوزن غريب
ترقص الصورة
على اكتافي
ف الروح تايب عن الكبت
فحسيت حنان صوت حلیم
على فرشة كل الحريم البكر
بتعزفلي حروف من ماس
وقلبي ميزان حساس
مش حامل
بس بيتلذذ
فيغتسل قلبي
يرجع لصباه
جوايا مليون حاجة
بتقول الله الله الله



ذكريات

كل الحاجات رغم الزمن
محفورة فيا
عدت عليها كام سنة
الشمس لسة بتشتي ضحكك
والقمر لسه فاكر ثقك عليا
لسة فاكر كلام الحكيم
اعشق برحتك واوعاك تنساها هيا
إنا كنت طفل فـ الهوى علمتيني الكلام
وزرعتي ميت وردة فيا
وفضلت متخبط بين وصال وفراق
أنا قلبي داب
لما شفتك فـ العشية

وسؤالك كان غريب
إزي حالك
أنا مية مية
عشقت بعدك بنات
وشربت من ربيع الحب كاسات
وماعرفتش طعم السكات
والدموع محبوسة جوايا
ورجعنا لأصل الحكاية
وقلت النصيب
بصيت ف الطريق لقيتها هيا
والمرة دي مش عادية
عود منصوب
والعصفور يتهجى حروف على مشيتها
الأرض ف عز الشتا زبدة سايحة على جزمها
والمقدمة ملهاش حل

خلت قلبي اتشل
 مهما اوصفها
 كل كلام الشعر أقل
 كل الحروف مترتبة
 نون معزوفة بناي
 وشين ووراها الواو
 والألف اللينة
 حروفي عطشانة ذكريات
 والماضي عدى وفات
 بس لما بارسمك
 بتعيشي وحدك وتموت كل البنات
 بس هيا نسيت كل اللي فات
 وحبيبها أولى بيها
 ولما باشتاق للغرام
 مابدش غير اكتب قصيدة

عيونك شمعتين منورين

أنا خايف يا نور العين

نفسي يطفئهم

لو لحظة من وقتك

كلمتهم

أنا السما والهوى والنجوم

أنا البحر اللي ما بيعرف يعوم

أنا النائم اللي مش عارف يقوم

أنا الصايم اللي عمال يصوم

وامتى هاتشوفك قريبة

سلفوها فرحة ماسكة السحاب

حاضنه الهوى الدافي

تقدر ف لحظة عذاب

تنسى المرار الوافي

البنث اللي شبه الشعر

يا عم شيل كشاكيل
ما بقتش باحس أناك
خلاص راحت مواويلك
وسطر الحب خلاص فاتك
عارفة كل أحلامك
خلاص أنا مش منهم
لم الكلام مكسور جناح البوح
يا طير يا مدبوح
قد حروف الناي
عدد حبوب الرمال باحنك
نجوم بتنام على نسيك
يغرد عصفور باساميكي

ويايه اسميكي ؟
خلاص يا ناحته ملامح الشعر
الشعر خلاص شبهك
بصورة وتجايدة وتعقيدة
وقديمة وجديدة
من يوم ما فصل الخليل توبه
عباية كات ضيقة ماسعتش إحساسك
ماوصفتش لون نيلك
ولا بلة ريق الناظرين
يدوب خلاص عيل حب بنوته
حاجات بتمسح صورتك من على وريدي
وحاجات تتحس بسكات
ترتيب صور اللي فات ماتت
فنديها
قصيدة ماكنتش فيكي كتبته

آسف يا حبيبتي كات غلطة
الصورة كانت متغيبة عن نصي
يا شبه الشعر اتوضي
صلاة الحب مش ذنب
يا قمر الليل أنا منك
فاكر كنت بتقدر
يا وجعي من نصيب الناي
ماخدش حظه إزاي
يا كمان غرد كمان جايز
هتسمعي
بعيدة عني
قريبة مني ملازماني
ف أناتي وف فرحي
يا ناس هاغيب عنكم
إن طولت عدولي

الموت مش وطن لكن
جاي فاتحلي أحضاته
يا شبه الشعر اتكسر مني
كاس كان هيجيني
ياد خلاص ماتت
لسه حية والله
دي هي حتى اللي بتختار
عنوان لأشعاري



بلاش تختار

فيه حاجات بتترتب تلقائي
تخليك تؤمن بحاجات
تحذفك صورة من الماضي
سجدة بطعم الأناناس
ودا جايز لأن بطبعك خواف
جواك مش متشاف
عينيك بتنزف بوتيكات
دخان مقفول بالشيش
جايز لأنك شاعر
وا احتمال تكون درويش
فتقفل كادرك على صورة
بتحطم أصنام العادة

تخذلك لقطة زيادة
عينها تنزف مشاوير
الخوف بيدور ع الضعيف
يديله شوية نار
زمنك دوار
فتعود ترضى بالواقع
وبلاش تختار
الجنة بتشرب تار
على كف البنت الزعلانة
لساني جبان ماسك آية
بترتل أوجاع
تسأل عن توب الضحكة
يجاوبك بيع
أسف لرفض طلبكم
التوب متباع



غدا تتساع يجيئك نصك ف منام

يشيل مكياجك م الساعة

علبة دخانك ولاعة

شريان بهتان

مافيش ألوان غير عينك

صورة بتنزف كشاكيل

على وتر العمر الضايع

تحلى المواويل

جويا كلام مش متقال

قصيدة وعطشانة سكات

هيلف العمر سبع لفات

تصطاد لقطة لوريديك

يا يحن عليك يرويلك نياك

إحتمال يسبك عطشان

الشمعة ٢٣

ويمر العمر
يقفل كادرك على صورة
ينحتك دمه شموع
الليل موجوع
على حلم عطشان بيدوخ
تنزف مسلات نسيان
هاتسك وهاتساني معاها
خطوتنا مش هتستناها
تعيد مرارك زايد
عناقيد ألوان بتزوغ ف الروح
مناها بتتسلى على وريدي
هتفضلي تروحي وتيجي

تشرّبي مسافات

الساعة ٢٣

النفس ساعات ييضيق

على صورة شفافيف ذكرى

أنا الكافر الوحيد بـماضيا

وبتتشق أحضن بكرة

كالعادة مستني الساعة تفوت

علشان احضن سكوت

البنّت المخبية وجعها

تطربني بصوت ودعها

علشان افوق

ينحتني وجود

ع العود مشدودة أحلام أولى

كعب الناي وسيجارة الريق

هما الدولة الكسبانة شموع

الليل مخدوع
يا شمس الضحكة تعالي وريدي
عطشان فرحة وهتيجي
تنزفي كشاكيل
"البنت اللي شبه الشعر"
خلاص ولت
هادور على بنوثة تطفى الشمعة ٢٣
بنفسها الطاهر
والظاهر
خلاص جاية

عيونك قراز

عيونك قراز

فما تحدفيش النظر

عينيا حساسة قوي

أنا كل م اطلع للسما

حضنك بيهدي

رعه ايدكي م الهوى

بتسرق مني ضحكتي

أنا كل م افرح نص فرحة

مليون وريد ينزف ألم

انتي أطهر م الورق

صفحة بيضا بتبتسم

عصفور غناه تاه معاه

دندن نشيده ع العلم
ودم حر مافيش جرى راح يللمسه
وش الحقيقة جوده منك ومعذبك
الحضن أول شروط الطهر
والضمة واجب
أنا مش نبي لاجل ارسمك معجزة
خطين حنين على دمة ندم
راح يعزفوا التوبة أول شروطه الندم
فاندمي وماتحذفيش الناس بالصدف
علشان عينك قزاز



عود نعناع

عود نعناع وخط ع القصيد حنة

خلخال من ماس

قلب إحساسي وشغلنا

أنا هي هاكون للفرح أغنية

وهارسمها

سما صافية وشباكها هيندهلي

جائز الحلم لما طال هايتحقق

هاسيب روي تروح ليها

تغنيها

ترسم اساميها

على قلبي اللي الوجد ساكنة

هاتحدفني نسيم للفجر

تمنحي سهر ف جناح لياليها
هاخليها تكون ملهمتي
تلهمني
تقول الشعر بلساني
وتعاند وتتحدى
على صدري قصايد بتدلع
هاشوف القمر وردي
هافرشك نجوم الليل من وردي
وهاذكرك ف صلاتي وف وردي
وضلوعي هتبقى سحاب
هاعملك قلبي خرايط
وجسمي هايبقى كتاب
يا لون العين يا ساحرني
يجوز الشعر ماوصفشي
يا خدود من ماس ميزان حساس



يا دلّعها
ضحتها موسيقى
وناي حزن همسي
فهبوا السما السابعة
يجوز طيفك سرق همسي
يجوز المولى جمعنا
كلامي يا بنية ليه معنى

الفهرس

٢	بطاقة الكتاب
٣	إهداء
٤	إلى البنت اللي شبه الشعر
١٠	أحضانك شوارع
١٣	دفا شمسك
١٧	إلهام
٢٠	ذكريات بتنزف صور
٢٣	عطشان حنان
٢٥	شطرنج
٢٦	الحضن أول شروط الطهر
٢٨	زينب
٣٣	صباح الأنوثة
٣٨	قلبي الطاهر عمره ما خاتك
٤٢	لسّه شاري
٤٥	مش هاكتب



- ٤٦ كنت عايز
- ٤٩ شاعر على قدي
- ٥٣ كفوف الفرحة
- ٥٦ إلى روح الأبنودي
- ٥٩ البنت بتخبي عليا
- ٦١ طهريني بعطر نفسك
- ٦٤ يا شايب من الأحلام
- ٦٧ بشرب مر
- ٧١ الحب فلسفة
- ٧٥ ندى خدك
- ٧٩ ذكريات
- ٨٣ البنت اللي شبه الشعر
- ٨٧ بلاش تختار
- ٩٠ الشمعة ٢٣
- ٩٣ عيونك قزاز
- ٩٥ عود نغاع
- ٩٨ الفهرس

